



Universitätsbibliothek Paderborn

**Constans Defensio, Ex S. Scriptvra, Et Vera Catholica
Doctrina, Atqve Observatione Vniuersalis Christianæ
Ecclesiæ Deliberationis de Christiana Reformatione**

Bucer, Martin

Genevae, 1613

Refutatio duorum argumentorum, quibus Aduersarij conantur
dimidiationem Sacramenti defendere 73

urn:nbn:de:hbz:466:1-34315

Refutatiorationum, quibus Aduersarij abusum dimidiati Sacramenti defendere, ac probare conantur, quod Calicem in S. Cœna non distribuere, abusus non sit, sed pia communicatio & obedientia cum erga Catholicam Ecclesiam. Quodque abusus ac opus schismatis sit, calicem dispensare, antequam Catholica Ecclesia id ordinet.

In quo consistit unitas Ecclesiae.

CAP. LXXII.

Ad utramque thesin confirmandam hoc argumento vtuntur, Ecclesie concessum est, in eiusmodi mandatis Domini, quæ externa signa vel opera cōcernunt, ordinare ac moderari, prout singulis tēporib. ad edificationē & propagationē Ecclesię conducere vīsum fuerit. Verū S. Cœna Domini sub vna tantū specie dispēlare, donec vniuersalis aliter de eo decernat, ad edificationem ac propagationē Ecclesię cōducit. Vnitatē enim Ecclesiae cōseruat, & horrendū schisma excitaretur, si Ecclesia aliqua calicē quoque distribuere tētaret, absque vniuersali Cōcilij ordinatione. Ergo quādiu Ecclesię alterius tantū speciei dispensationē retinēt, bonū & vtile vsum, nō abusum obseruāt. Imò grauis esset & horrēdus abusus, si utramque specie distribuere tentaret, antequām ab vniuersali Cōcilio id sit permīsum. Huius argumenti caput ac nodus in eo cōsistit, Quid vera vnitas Ecclesiae sit, quid itē schisma, & quid ad utramque conferre queat. De vnitate Ecclesiae, & quib. in reb. illa cōtineatur, suprā in Defensione istius articuli dictū est. Nēpe quod vera vnitas Christianae Ecclesiae cōsistat in vera deuotāque cōmunicatione sinceræ ac salutaris doctrinæ Euāgeliū, legitimi vsum sacramentorū, ac Christianæ disciplinæ. Iā Aduersarij ipsi faciunt, Christū Dominū, hūc sacramēti istius vsum, nēpe vt & calix distribuatur, instituisse, Ecclesięq. suę cōmendassem: & quod ea lōgo tēpore hūc vsum obseruauerit, quēadmodū adhuc nostro tēpore Oriētales Ecclesię obseruāt.

Quod cūm ita sit, dici nullo modo potest, quod veri istius sacramenti vsum neglectus, conduceat ad vnitatem & concordiam Ecclesiae conservandam: contra verò si idem in Ecclesiis collapsus restituatur, horribile schisma, ac detestandam conuulsionem corporis Christi excitatum iri. Vnitas Ecclesiae vnitas Spiritus sancti est, Ephes. 4. Illa vero non partitur, tantum abest vt postuleat, cōmunicationem concordiamque in errore & abusu. Cuiusmodi manifestus abusus est, sacrosanctum hoc sacramentum diuellere ac dimidiare, solumque panem, non etiam calicem Domini dispensare cōmunicantibus.

Quamobrem omnes Ecclesiae, quib. Dominus ea in re voluntatē suā patefecit, ac dat, vt verum legitimūmque huius sacramenti vsum apud se rursus admittant, dum hoc faciunt, reuera cum Christo Domino, cum Apostolis eius, denique cū vniuersa Ecclesia Christi se vniuent, nō autem ab ullo vero membro Christi sciungunt aut scindunt. Et qui pro-